

Құрметті Университет Ұжымы!

Сіздерді еліміздегі ең беделді, жоғарғы оқу орындарының бірі - Қорқыт ата атындағы Қызылорда университетінің 85 жылдығымен шын жүректен құттықтаймын.

Ғасырға жуық жылнамасы бар білім ордасының мемлекетіміз үшін, қасиетті құт қонған мекеніміз Сыр елі үшін де маңызы өте ерекше. Терең әрі бай тарихы бар Қорқыт ата атындағы университет осы күнге дейін талай шәкіртті тәрбиелеп, мыңдаған студенттің зейінін ашып, өз саласының нағыз кәсіби мамандарын тәрбиелеп шықты. Олардың қатарында инженерлер, құрылысшылар, мұнайшылар, мұғалімдер, журналистер, экономистер, заңгерлер, ауыл және орман шаруашылығы мамандары бар. Қасиетті білім ордасынан түлеп ұшқан түлектердің барлығы өз саласы бойынша аймағымыздың, еліміздің өсіп-өркендеуіне зор үлес қосып, аянбай еңбек етуде.

Осының барлығы Университетіміздегі ұлағатты ұстаздарымыздың, парасатты профессорлардың, алтын көмбе академиктеріміздің көз майын тауысқан ерен еңбектерінің жемісі. Университет ұжымы жылдан жылға өздерінің білімдерін шыңдап, қабілеттерін арттырып, абырой мен бірліктің туын биік ұстап, үнемі жоғарыдан көрініп келеді. Алдағы уақытта да Сыр елінің даңқын көтеріп, оқу ордасында заманға сай ең қажетті, ең тәжірибелі мамандарды тәрбиелеп шығаруларыңызға тілектеспіз. Осы жолда қажыр қайраттарыңыз, ерік жігерлеріңіз сарқылмай тек қана білім додасының алдыңғы шебінен көріне беріңіздер.

Университетіміздің 85 жылдығы құтты болсын, денсаулықтарыңыз мықты, әрдайым абырой мәртебелеріңіз үстем болсын!

**Ізгі ниетпен,
Қызылорда облысының
прокуроры**



Н.Бижанов